

«Қазақстан тарихы» бойынша ғылыми эссе

Тақырыбы: “ Менің туған күнімдегі Қазақстан тарихындағы оқиғалар ”.

Пән: Қазақстан тарихы

Орындаған: Digital Engineering мамандығының 2 курс
студенті Қалибек Зерде

Тексерген: Гуманитарлық мектептің оқытушысы
Айнакулов Д.Ж.

Менің туған күнімдегі Қазақстан тарихындағы оқиғалар

Әр адамның өмірінде туған күн ерекше маңызға ие. Бұл күн тек өмірге келген сәтінді атап өту ғана емес, өткенге көз жүгіртіп, болашаққа мақсат қою уақыты болып табылады. Өз туған күнінде әлемде қандай оқиғалар орын алғанын білу - тарихтың ағысында өзіңнің кішкентай, бірақ ерекше орныңды сезінуге мүмкіндік береді. Күнделікті тіршілік ағымында біз өткеннің тағылымын жиі ескере бермейміз. Алайда, сол өткеннің ізі біздің өмірімізді, қоғамымызды және өзімізді қалыптастырады. Туған күнің мен тарих тоғысқан тұста, сен сол оқиғалардың бір бөлшегіне айналғандай боласың.

Мен 2006 жылы 19 қаңтарда Талдықорған қаласында дүниеге келдім. Бұл күннің мен үшін маңызы өте зор, өйткені ол менің өмірімнің бастау алған күні. Бірақ бұл күн тек менің ғана өмірім үшін емес, ел тарихы үшін де есте қаларлық күн болып табылады. Қазақстанның тарихында 19 қаңтарда орын алған оқиғалар елдің қалыптасуына, дамуына және қазіргі болмысымызға әсер еткен. Сондықтан да менің туған күнімнің тарихпен байланысты болуы - мен үшін ерекше құрмет. Бұл эссені жазып отырған мақсатым – туған күнімдегі тарихи оқиғаларды талдай отырып, сол күннің менің өмірім мен елім үшін маңыздылығын көрсету. Әр адамның туған күні тек жеке мереке ғана емес, сонымен қатар ол ел тарихындағы маңызды оқиғалармен тоғысуы арқылы ерекше мәнге ие болуы мүмкін. Менің туған күніммен байланысты оқиғаларды зерттеу арқылы жеке өмірім мен тарихтың тығыз байланысын сезініп, өткеннің тағылымынан үлгі алу маңызды деп білемін.

Тарихқа үңілер болсақ, 19 қаңтарда Қазақстанда және әлемде болған маңызды оқиғалар көп. Солардың бірі Қазақстан Республикасының Әнұранының қабылдануы. 2006 жылдың 19 қаңтары – Қазақстанның мемлекеттік рәміздерінің бірі, жаңа Әнұранның бекітілген күн болды. Бұл ерекше ән “Менің Қазақстаным” деп аталып, оның сөздері Жүмекен Нәжімеденов пен Нұрсұлтан Назарбаевқа тиесілі болды. Музыкасын атақты композитор Шәмші Қалдаяқов жазған. Бұл ән халық арасында бұрыннан танымал патриоттық шығарма болып, ел бірлігінің символына айналды. Әнұранды жаңарту – елдің саяси және мәдени өміріндегі маңызды қадам болды. Оның сөзі мен әуені әр қазақстандықтың жүрегінен орын алды. Ресейде Қазақстан жылы өткен кезде қазақ өнерпаздары Мәскеуде концерт беріп, Шәмші Қалдаяқовтың «Менің Қазақстаным» әнін орындады. Сол сәтте олардың бұл әнді ерекше сүйіспеншілікпен тыңдағанының куәсі болдық. Сөзсіз, бұл – әннің құдіреті еді (Ескерұлы, 2006: 8).

Тағы бір тоқталатын маңызды оқиға ол 1999 жылғы Президент сайлауының нәтижесі шыққан күн. 1999 жылы 19 қаңтарда Қазақстандағы президенттік сайлаудың ресми нәтижелері жарияланды. Бұл сайлауда сол кезеңдегі ел басшысы Нұрсұлтан Назарбаев жеңіске жетті. Ол Қазақстанның алғашқы тәуелсіздік жылдарындағы дамуын басқарған негізгі саяси тұлға еді. Бұл оқиға елдің болашақ бағытын айқындауда маңызды рөл атқарды, себебі сол кезеңде Қазақстан жаңа экономикалық және саяси реформалар жолында тұрған болатын. (Назарбаев, 2006)

Бұл күнде орын алған тағы бір тарихи маңызы зор оқиға Нұрсұлтан Назарбаевтың

“Қазақстанның әлемдегі бәсекеге қабілетті 50 елдің қатарына кіру” стратегиясын ұсынған күні.(Егемен Қазақстан 2005:1)Қазақстанның әлемнің бәсекеге қабілетті 50 елінің қатарына енуі – мемлекеттің стратегиялық дамуының негізгі мақсаттарының бірі.Бұл стратегияның басты мақсаты – экономиканы әртараптандыру, елдің жаһандық нарықтағы орнын нығайту және өмір сүру деңгейін жақсарту.Бұл жайында Қазақстан Республикасының Президенті Нұрсұлтан Назарбаев Парламент палаталарының бірлескен отырысында былай деді: Бұл стратегияның негізіне ұлттық тауарлар мен қызметтердің бәсекеге қабілеттілігін арттыру есебінен Қазақстанның халықаралық рыноктарға шығуы үшін өңірлік және жаһандық экономиканың артықшылықтарын пайдалану алынған. Ұсынылып отырған бағыт Қазақстанды 2030 жылға дейін дамыту қағидаттарына негізделеді, оларды бүгінгі күннің нақтылығын ескере отырып тереңдетеді(Назарбаев 2006:1).

Сонымен қатар дәл осы күнге 2022 жылдың “Қанды Қаңтар” оқиғасы келіп тіреліп тұр екен. Ойласаң денең түршігеді. 2022 жылдың 19 Қаңтарында Қаңтар оқиғаларынан кейінгі қалпына келтіру шаралары жүріп жатты. Бұл қайғылы оқиға ел тарихындағы ең күрделі әрі ауыр кезеңдердің бірі болды. Бұл оқиғалар қоғамның тұрақтылығы мен елдің қауіпсіздігіне үлкен сын-қатер әкелді. Жаппай тәртіпсіздіктерден кейін ел басшылығы саяси, экономикалық және әлеуметтік тұрақтылықты қалпына келтіру үшін ауқымды реформаларды қолға алды. Геосаяси ахуал мен аймақтық деңгейдегі өзекті сын-қатерлерді ескере отырып, Президент Қазақстан Қарулы Күштерінің әскери дайындығын едәуір күшейтуді міндеттеді.(Айқын 2006:1). Сонымен қатар, қайғылы оқиғалар кезінде зардап шеккен азаматтарға көмек көрсету және қалаларды қалпына келтіру бойынша ауқымды жұмыс жүргізілді. Әлеуметтік қолдауды күшейту үшін жаңа бағдарламалар енгізілді. Бұл шаралар Қазақстанды жаңа даму кезеңіне бастады және елдің болашағына деген сенімді арттырды.

Қорытындылай келе,менің туған күніммен байланысты Қазақстан тарихындағы маңызды оқиғалар мен үшін тек жеке мереке емес, елдің саяси, мәдени және әлеуметтік өмірінде орын алған тарихи кезеңдермен байланысты ерекше сәттер болып табылады. 19 қаңтар – тек менің өмірімнің бастауы ғана емес, сонымен қатар еліміздің дамуына, жетілуіне және болашаққа деген сенімімізді нығайтуға бағытталған маңызды оқиғалардың орын алған күні. Өнұранның жаңаруы, Президент сайлауының нәтижелері, және Қанды Қаңтар оқиғаларынан кейінгі қалпына келтіру шаралары – барлығы Қазақстанның даму жолында маңызды қадамдар болып саналады.

Бұл эссе арқылы мен туған күнімнің тарихи маңыздылығын тереңірек түсініп, өзімнің жеке өмірім мен ел тарихының тығыз байланысын көріп отырмын. Әр адамның өмірі белгілі бір тарихи оқиғалармен тоғысқан тұста оның өз орны мен қоғамдағы рөлін түсіну аса маңызды. Туған күнімді және оның маңызын зерттеу арқылы мен өз елімнің өткені мен болашағына деген құрметімді арттырдым.

Пайдаланылған әдебиеттер тізімі

1. Айқын газеті (2022). “Қарулы күштерге талап көбейеді”, №8(4060), 1 б.
2. Назарбаев Н. (2006). “Қазақстанның әлемдегі бәсекеге қабілетті 50 елдің қатарына кіру стратегиясы”, Егемен Қазақстан, №16 (24269), 1-2 б.
3. Ескерұлы Ө. (2006). “Шәмші аға, әнұран боп шырқалдың сен”, Егемен Қазақстан, №17 (65392), 8 б.
4. Қазақстан Республикасының мемлекеттік рәміздері туралы заң (2006). <https://adilet.zan.kz/kaz/docs/K060002006>
5. Егемен Қазақстан газеті (2005). "Шайна және орта кәсіпкерлік Қазақстан", <https://www.stud24.ru/economics/shayn-zhne-orta-kspkerlkt-azastan/331743-998631-page3.html>